

O le Tusi a Mamona Sa Faaliliuina e ala i le Meaalofa ma le Mana o le Atua

Sa tuuina mai e Ema Samita, o le sa fesoasoani ia Iosefa i le avea ma se tusiupu ao ia faaliliuina le Tusi a Mamona, le faamatalaga lenei i se faatalanoaga ma lana tama o Iosefa Samita III, i ni nai masina a o le'i maliu o ia. A o e faitau i lenei faamatalaga, vaavaai mo ni faamaoniga na talitonu Ema na faaliliuina le Tusi a Mamona e ala i le meaalofa ma le mana o le Atua.



“Sa le'i i ai ia [Iosefa Samita] ia tusitusiga po o le tusi e faitau mai ai [a o ia faia le faaliliuga]. . . .

“A na fai sa i ai se mea o na mea, semanu e le mafai ona ia nanaina mai ia te au. . . .

“O Iosefa Samita [i le avea ai o se alii talavou] . . . sa lei mafai ona ia tusi pe faalau se tusi e manino ona faaupu, ae le ta'ua ai foi le faalauina mai o se tusi e pei o le Tusi a Mamona. Ma, e ui o au sa auai i taimi uma lava i mea sa tutupu, . . . e ofoofogia ia te au, 'o se vavega taua ma le ofoofogia,' e pei lava ona o le a i ai i soo se tasi. . . .

“O lo'u talitonuga o le Tusi a Mamona e moni a'ia'i lona paia—e leai ma sina o'u masalosalo i ai. Ua faamalieina a'u e leai se tagata e mafai ona ia faalauina ia tusitusiga o faamaumauga sei vagana ua musuia o ia; aua, ina [ua ou] galue e avea ma ana tusiupu, e faalau mai ia te au e [Iosefa] mai lea itula i lea itula; ma pe a toe foi mai i le maea ai o se taumafataga, pe uma foi se mea sa faalavelaveina ai, e toe amata tonu lava i le mea sa gata ai, e aunoa ma se vaai i le faamaumauga pe faitau atu foi ia te ia se vaega. O se mea masani lea mo ia e fai. Atonu e le masalomia le moni e mafai e se tagata aoaoina ona faia lenei mea; ae, mo se tagata e vaivai tele ma le'i aoaoina e pei ona sa i ai o ia, sa matuai le mafai lava” (Emma Smith, in “Last Testimony of Sister Emma,” *Saints' Herald*, Oct. 1, 1879, 289–90; tagai foi “Book of Mormon Translation,” Gospel Topics, topics.lds.org).

- O a upu po o fasifuaitau mai le faamatalaga a Ema e lagolago ai le molimau a Iosefa e faapea, o le Tusi a Mamona sa faaliliuina e ala i le meaalofa ma le mana o le Atua?
- E mafai faapefea e le iloa na faaliliuina le Tusi a Mamona e ala i le meaalofa ma le mana o le Atua, ona aafia ai le ala tatou te manatu ma suesue ai i le tusi?
- Ua faapefea ona e iloa na faaliliuina le Tusi a Mamona e ala i le meaalofa ma le mana o le Atua?

